

ტექნიკური დავალება

მდგომარეობები, რომელიც დადგა შრომითი საქმიანობის შესრულების პერიოდში უბედური შემთხვევის შედეგად	სადაზღვევო ლიმიტი სადაზღვევო პერიოდის განმავლობაში ერთ დაზღვეულზე	ასანაზღაურებელი თანხის ლიმიტი სადაზღვევო პერიოდის განმავლობაში ერთ დაზღვეულზე
ფატალური უბედური შემთხვევა (გარდაცვალება) / უგზო-უკვლოდ დაკარგულად აღიარება - საქართველოს კანონმდებლობის შესაბამისად უგზო-უკვლოდ დაკარგულად აღიარება (მხოლოდ უბედური შემთხვევის შედეგად).	5000	100%
მძიმე უბედური შემთხვევა	5000	75%
საშუალო სიმძიმის უბედური შემთხვევა	5000	50%
მსუბუქი უბედური შემთხვევა	5000	10%
გადაუდებელი სამედიცინო დახმარება	200	

სადაზღვევო ლიმიტები:

- აგრეგირებული ლიმიტი ერთ მასობრივ უბედურ შემთხვევაზე 75 000 (სამოცდათხუთმეტი ათასი) ლარი;
- სადაზღვევო პერიოდში სადაზღვევო ლიმიტი 300 000 (ორასი ათასი) ლარს;

1. განმარტებები

- 1.1 მზღვეველი - რომელიც საქართველოს კანონმდებლობის შესაბამისად ეწევა სადაზღვევო საქმიანობას;
- 1.2 დამზღვევი (დამსაქმებელი) - სადაზღვევო პოლისში მითითებული პირი/პირთა გაერთიანება, რომელიც სავალდებულო წესით აზღვევს თანამშრომლებს (დაზღვეული პირები) უბედური შემთხვევისაგან, ავსებს სადაზღვევო განაცხადს და ვალდებულია გადაიხადოს სადაზღვევო პრემია და შეასრულოს ხელშეკრულებით გათვალისწინებული სხვა ვალდებულებები;
- 1.3 დაზღვეული (დასაქმებული) - დამზღვევთან შრომით ურთიერთობაში მყოფი ფიზიკური პირი (დასაქმებული) რომლის მიმართაც და რომლის სასარგებლოდაც ხორციელდება დაზღვევა;
- 1.4 მოსარგებლე - პირი, რომელიც საქართველოს კანონმდებლობის საფუძველზე იღებს სადაზღვევო ანაზღაურებას ხელშეკრულებით გათვალისწინებულ შემთხვევაში. უბედური შემთხვევის გამო გარდაცვალების შემთხვევაში, მოსარგებლეა დაზღვეულის წინასწარ წერილობით დასახელებული პირი. ასეთის არარსებობის შემთხვევაში - მოსარგებლეა დაზღვეულის მემკვიდრ(ე)ები. უბედური შემთხვევით გამოწვეული შრომისუნარიანობის დაკარგვის შემთხვევაში - მოსარგებლეა დაზღვეული;
- 1.5 დასაქმებული - საქართველოს ორგანული კანონით „საქართველოს შრომის კოდექსი“ გათვალისწინებული ფიზიკური პირი, რომელიც შრომითი/შრომის ხელშეკრულების საფუძველზე, დამსაქმებლისათვის ასრულებს გარკვეულ სამუშაოს;
- 1.6 სამუშაო სივრცე (სადაზღვევო ტერიტორია) - ყველა სამუშაო ადგილისა და იმ ტერიტორიის ერთობლიობა, სადაც დასაქმებული იმყოფება/გადაადგილდება სამსახურებრივი დანიშნულებით და რომლებსაც პირდაპირ ან არაპირდაპირ დამსაქმებელი აკონტროლებს;
- 1.7 ტერიტორიული ლიმიტი - საქართველოს ტერიტორია, გარდა ოკუპირებული ტერიტორიებისა;
- 1.8 სამუშაო ადგილი - კონკრეტული ადგილი, სადაც დასაქმებული უშუალოდ ახორციელებს შრომით საქმიანობას;

- 1.9 სამუშაო სივრცეში უბედური შემთხვევა – სამუშაო პროცესში ან სამუშაო პროცესთან დაკავშირებით მომხდარი უბედური შემთხვევა, რომელსაც შედეგად მოჰყვა დაზღვეულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უგზო-უკვლოდ დაკარგულად აღიარება;
- 1.9.1 სამუშაო სივრცეში უბედური შემთხვევა კლასიფიცირდება მისი შედეგების და ერთ ჯერზე დაშავებული ადამიანების რაოდენობის მიხედვით, შემდეგნაირად:
- მსუბუქი უბედური შემთხვევა – უბედური შემთხვევის გამო მსუბუქი დაზიანება შრომისუნარიანობის დაკარგვის გარეშე ან შრომისუნარიანობის დაკარგვით არაუმეტეს 3 დღისა;
 - საშუალო სიმძიმის უბედური შემთხვევა – უბედური შემთხვევის გამო დაზიანება შრომისუნარიანობის დაკარგვით 3 დღიდან 40 დღემდე;
 - მძიმე უბედური შემთხვევა – უბედური შემთხვევის გამო მუდმივი შრომისუნარიანობის განვითარება ან ჯანმრთელობის მძიმე დაზიანება ან/და დროებითი შრომისუნარიანობის განვითარება 40 კალენდარულ დღეზე მეტი ხნით;
 - ფატალური უბედური შემთხვევა – უბედური შემთხვევის გამო ადამიანის (დასაქმებულის) სამუშაო ადგილზე ან უბედური შემთხვევიდან 1 წლის განმავლობაში გარდაცვალება;
 - მასობრივი უბედური შემთხვევა – უბედური შემთხვევის გამო 3 ან მეტი ადამიანის დაშავება, მათ შორის, 1 მძიმე უბედური შემთხვევა ან 1 ფატალური უბედური შემთხვევა
- 1.10 სამუშაო სივრცეში უბედური შემთხვევით გამოწვეული შრომისუნარიანობის მკვეთრად გამოხატული შეზღუდვა - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიანობის მკვეთრი შეზღუდვა ისეთი სამედიცინო დაწესებულების მიერ, რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად;
- 1.11 სამუშაო სივრცეში უბედური შემთხვევით გამოწვეული შრომისუნარიანობის მნიშვნელოვნად გამოხატული შეზღუდვა - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიანობის მნიშვნელოვნად გამოხატული შეზღუდვა, ისეთი სამედიცინო დაწესებულების მიერ, რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად;
- 1.12 სამუშაო სივრცეში უბედური შემთხვევით გამოწვეული შრომისუნარიანობის ზომიერად გამოხატული შეზღუდვა - უშუალოდ შრომითი საქმიანობის პერიოდში უბედური შემთხვევის შედეგად გამოწვეული დაზღვეულის სხეულის დაზიანების ისეთი ხარისხი, რომელიც კვალიფიცირებულია როგორც შრომისუნარიანობის ზომიერად გამოხატული შეზღუდვა ისეთი სამედიცინო დაწესებულების მიერ, რომელსაც მინიჭებული აქვს მოქალაქეთა შესაძლებლობის სტატუსის დადგენის უფლებამოსილება საქართველოს კანონმდებლობის შესაბამისად (უბედურ შემთხვევად არ ჩაითვლება მწვავე, ქრონიკული ან/და მემკვიდრეობითი დაავადებები (მათ შორის, ინფარქტი, ინსულტი და ორგანოთა სხვა უეარო დაზიანება, გამოწვეული მემკვიდრეობითი პათოლოგიით ან დაავადების განვითარების შედეგად დამდგარი პათოლოგიით, ანაფილაქტიკური შოკი, ასევე ინფექციური და პროფესიული დაავადებები);
- 1.13 ზედამხედველი ორგანო - საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს შრომის უსაფრთხოების ნორმების დაცვის შემოწმების განმახორციელებელი სამსახური;
- 1.14 პრევენცია – იმ ღონისძიებებისა და პროცედურების სისტემა, რომლებსაც ახორციელებს დამსაქმებელი ან რომელთა განხორციელებაც დაგეგმილი აქვს დამსაქმებელს საქმიანობის ყველა მიმართულებით პროფესიული რისკების, სამუშაო სივრცეში უბედური შემთხვევების, პროფესიული დაავადებების ან შრომითი საქმიანობის გამო ჯანმრთელობისათვის სხვაგვარი ზიანის მიყენების თავიდან ასაცილებლად ან ზიანის შესამცირებლად;
- 1.15 დასაქმებულთა წარმომადგენელი – პირი, რომელიც წარმოადგენს შესაბამისი დამზღვევთან დასაქმებულების ინტერესებს შრომის უსაფრთხოების საკითხებში;
- 1.16 შრომის უსაფრთხოების სპეციალისტი – დამსაქმებლის მიერ დანიშნული/მოწვეული შესაბამისი კვალიფიკაციის მქონე პირი, რომელიც შრომის უსაფრთხოების ნორმების დარღვევის პრევენციის მიზნით უზრუნველყოფს შრომის უსაფრთხოების ღონისძიებების დანერგვასა და მართვას;
- 1.17 ინდივიდუალური დაცვის საშუალებები – ტექნიკური და სხვა საშუალებები, რომლებიც გამოიყენება ინდივიდუალურად, დასაქმებულზე საფრთხის შემცველი ფაქტორების გავლენის შესამცირებლად ან თავიდან ასაცილებლად;

- 1.18 კოლექტიური დაცვის საშუალებები - ტექნიკური და საინჟინრო საშუალებების ერთობლიობა, რომლებიც კონსტრუქციულად და ფუნქციურად დაკავშირებულია საწარმოო გარემოსა და სამუშაო პროცესთან და განკუთვნილია საფრთხის შემცველი ფაქტორების თავიდან ასაცილებლად ან შესამცირებლად;
- 1.19 სადაზღვევო პოლისი - მზღვეველის მიერ გაცემული წერილობითი დოკუმენტი, რომელიც ადასტურებს ამ ხელშეკრულების პირობებით გათვალისწინებული დაზღვევის გაფორმებას და რომელიც გადაეცემა დამზღვევს;
- 1.20 სადაზღვევო პრემია - დამზღვევის მიერ გადასახდელი დაზღვევის საფასური, რომლის ოდენობა და გადახდის წესი მითითებულია სადაზღვევო პოლისში;
- 1.21 საერთო სადაზღვევო პერიოდი - პერიოდი, რომლის განმავლობაში მოქმედებს ხელშეკრულებით გათვალისწინებული დაზღვევა, რომელიც მითითებულია სადაზღვევო პოლისში. დაზღვევა ძალაში შედის საერთო სადაზღვევო პერიოდის პირველი დღის 24 საათიდან და ძალაშია საერთო სადაზღვევო პერიოდის ბოლო დღის 24 საათამდე, თუ არ მოხდა ხელშეკრულების ვადამდე შეწყვეტა;
- 1.22 ინდივიდუალური სადაზღვევო პერიოდი - საერთო სადაზღვევო პერიოდის ფარგლებში, თითოეული დაზღვეულის (დასაქმებული) სადაზღვევო პერიოდი, რომლის განმავლობაში აღნიშნული დაზღვეული ხელშეკრულების საფუძველზე ითვლება დაზღვეულად და რომელიც წარმოადგენს დამზღვევთან მის დასაქმების პერიოდს;
- 1.23 გამოუმუშავებელი სადაზღვევო პრემია - სადაზღვევო პერიოდის განმავლობაში კონკრეტული თარიღისათვის სადაზღვევო პერიოდის მოქმედების დასრულებამდე დარჩენილი დროის მონაკვეთის პროპორციული პრემიის ოდენობა;
- 1.24 გამოუმუშავებული სადაზღვევო პრემია - სადაზღვევო პერიოდის განმავლობაში კონკრეტული თარიღისათვის, სადაზღვევო პერიოდის დასაწყისიდან ასეთ თარიღამდე განვლილი დროის მონაკვეთის პროპორციული პრემიის ოდენობა;
- 1.25 წლიური სადაზღვევო ლიმიტი - სადაზღვევო პოლისით განსაზღვრული თანხა, რომელიც წარმოადგენს სადაზღვევო პერიოდის განმავლობაში ერთი დაზღვეულის სასარგებლოდ მზღვეველის მიერ გასაცემი სადაზღვევო ანაზღაურების მაქსიმუმს ხელშეკრულებით განსაზღვრული ყველა მოქმედი სადაზღვევო დაფარვისათვის;
- 1.26 ერთი შემთხვევის ლიმიტი - სადაზღვევო პოლისით გათვალისწინებული თანხა, რომელიც, მიუხედავად ასეთი შემთხვევის შედეგად დაზიანებული/გარდაცვლილი დაზღვეული პირების რაოდენობისა, წარმოადგენს ერთი უბედური შემთხვევის შედეგად მზღვეველის მიერ გასაცემი სადაზღვევო ანაზღაურების მაქსიმუმს ყველა მოქმედი სადაზღვევო დაფარვისათვის ჯამში. თუ, ერთი სადაზღვევო შემთხვევის შედეგად დაზარალდა რამდენიმე დაზღვეული და გასაცემი სადაზღვევო ანაზღაურების ოდენობა ჯამურად აჭარბებს ერთი უბედური შემთხვევის ლიმიტს, თითოეული დაზღვეული (მოსარგებლე) სადაზღვევო ანაზღაურებას მიიღებს საერთო ზარალში მისი წილის პროპორციულად;
- 1.27 სადაზღვევო შემთხვევა - დაზღვეულის ჯანმრთელობის დაზიანება, შრომისუნარიანობის შეზღუდვა ან დაკარგვა, გარდაცვალება ან მისი უზო-უკვლოდ დაკარგულად აღიარება მხოლოდ უბედური შემთხვევის შედეგად, სადაზღვევო პერიოდის განმავლობაში, იმ შემთხვევაში, თუ ის მოხდა დამზღვევის ტერიტორიაზე (სამუშაო სივრცე) სამუშაო ადგილას დაზღვეულის (დასაქმებული) მიერ შრომითი მოვალეობის შესრულებისას (ერთი მიზეზით გამოწვეული რამდენიმე მოვლენა (რამდენიმე პირის დაზიანება/გარდაცვალება/უზო-უკვლოდ დაკარგვის აღიარება) ჩაითვლება ერთი სადაზღვევო შემთხვევად, მიუხედავად სადაზღვევო ანაზღაურებაზე მიმართვების რაოდენობისა. ხელშეკრულების მიხედვით, ამ დაზღვევით არ იფარება სადაზღვევო შემთხვევა გამოწვეული დაზღვეულის ავადმყოფობით).

2. გამონაკლისები

- 2.1 სადაზღვევო ანაზღაურებას არ ექვემდებარება და დამდგარი მოვლენა არ ჩაითვლება სადაზღვევო შემთხვევად, თუ დაზღვეულის ჯანმრთელობის დაზიანება, შრომისუნარიანობის ხარისხის დაკარგვა ან შეზღუდვა, გარდაცვალება ან მისი უზო-უკვლოდ დაკარგულად აღიარება პირდაპირ ან არაპირდაპირ გამოწვეულია/შედეგად მოყვა რომელიმე ქვემოთმოყვანილ მოვლენა/მიზეზ(ებ)ით:
- ომი (მიუხედავად იმისა, ომი გამოცხადებულია თუ არა), საომარი (საბრძოლო) მოქმედებები, ინტერვენცია (უცხო ძალების შემოჭრა), აჯანყებით, რევოლუცია, სამოქალაქო მღელვარება, სამხედრო ან უზურპაციული ძალების მოქმედება ან ამდაგვარი მცდელობა; ხელისუფლების ნებისმიერი ორგანოს მიერ განხორციელებული კონფისკაცია/ნაციონალიზაცია;

- ნებისმიერი ფეთქებადი ბირთვული დანადგარის ან მისი კომპონენტის რადიოაქტიური, ტოქსიური, ფეთქებადი ან სხვა მსგავსი ფაქტორებით;
- დაზღვეულის ალკოჰოლური, ნარკოტიკული, ტოქსიკური ან ფსიქოტროპული ნივთიერებების ზემოქმედების ქვეშ ყოფნა ან თუ დაზღვეული შემთხვევის დროს იმყოფებოდა ამ ნივთიერებების ზემოქმედების ქვეშ;
- დაზღვეულის თვითმკვლელობა ან თვითმკვლელობის მცდელობა, განზრახ თვითდაზიანება;
- დაზღვეულის ფსიქიკური ავადმყოფობა, დაზღვეულის საკვებით ინტოქსიკაცია;
- დაზღვეულის მიერ სისხლის სამართლის კოდექსით გათვალისწინებული კანონსაწინააღმდეგო ქმედების ჩადენა ან ამგვარის მცდელობა;
- არ არის განპირობებული საწარმოო მიზეზებითა და ტრავმებით;
- თუ შემთხვევის დადგომისას არ მოხდა შეტყობინება მზღვეველთან;
- დაზღვეული განზრახ იგდებს თავს საფრთხეში, გარდა იმ შემთხვევისა, როცა იგი მოქმედებს სხვა ადამიანის სიცოცხლის გადარჩენის მიზნით;
- დამზღვევი/დაზღვეული დამალავს მისთვის ცნობილ არსებით გარემოებებს, რამაც შესაძლოა გაზარდოს სადაზღვევო შემთხვევის დადგომის რისკის ხარისხი;

შენიშვნა: აღნიშნული გარემოებები დგინდება სასამართლო, საგამოძიებო, საექსპერტო, მათ შორის სამედიცინო-სოციალური ექსპერტიზის და სხვა კომპეტენტური ორგანოების მიერ გაცემული ოფიციალური დოკუმენტების/დასკვნის საფუძველზე, რომელთა გაწევის ხარჯები ეკისრება მზღვეველს.

დაზღვევა არ ვრცელდება პირებზე, რომელთაც დაზღვევის ძალაში შესვლის მომენტში უტარდებათ სტაციონარული მკურნალობა ან/და რომლებიც საჭიროებენ მუდმივ მოვლას (სჭირდებათ დამხმარე ყოველდღიური საყოფაცხოვრებო აქტივობის შესასრულებლად) ან/და იყვნენ ფსიქიურად დაავადებული ან დაავადნენ დაზღვევის ძალაში შესვლის შემდეგ ამ პირების მიმართ დაზღვევა ჩაითვლება ავტომატურად გაუქმებულად და მზღვეველის მიერ ანაზღაურებას არ დაექვემდებარება ასეთ პირ(ებ)თან დაკავშირებული შემთხვევა.

3. ქმედება სადაზღვევო შემთხვევის დადგომის დროს/უძებური შემთხვევის შეტყობინება. შემთხვევის კვალიფიკაციისა და შეზღუდვის ხარისხის დადგენა

- 3.1 ნებისმიერი უბედური შემთხვევის დადგომისას დაზღვეული/დამზღვევი ვალდებულია შეძლებისამებრ დაუყოვნებლივ, მაგრამ არაუგვიანეს 48 საათისა აცნობოს მზღვეველს უბედური შემთხვევის დადგომის თაობაზე;
- 3.2 მზღვეველი დამზღვევს, დაზღვეულს ან/და დაზღვეულის წარმომადგენელს უხსნის და ეხმარება შემთხვევის კვალიფიკაციისა და შეზღუდვის ხარისხის დადგენისათვის შესაბამისი დაწესებულებებისადმი მიმართვაში;
- 3.3 შემთხვევის კვალიფიკაციას ადგენს კანონით განსაზღვრული შესაბამისი ორგანო.

4. სადაზღვევო ანაზღაურების გაცემა ანაზღაურებისათვის საჭირო დოკუმენტების ჩამონათვალი

- 4.1 დაზღვეულის ან მოსარგებლის წერილობითი განცხადება სადაზღვევო ანაზღაურების მოთხოვნის შესახებ;
- 4.2 დაზღვეულის პირადობის დამადასტურებელი დოკუმენტი;
- 4.3 სადაზღვევო პოლისის ორიგინალი;
- 4.4 სამედიცინო დაწესებულების მიერ გაცემული სამედიცინო დოკუმენტი;
- 4.5 სამუშაო სივრცეში მომხდარი უბედური შემთხვევის მოკვლევის ოქმი (ასლი) ან/და სამართალდამცავი ორგანოების მიერ გაცემული ცნობა უბედური შემთხვევის შესახებ;
- 4.6 დაზღვეულის გარდაცვალების შემთხვევაში:
 - საქართველოს კანონმდებლობით დადგენილი მოთხოვნების დაცვით გაცემული დაზღვეულის გარდაცვალების მოწმობა და სამედიცინო ცნობა გარდაცვალების შესახებ (რომელშიც მითითებული უნდა იყოს დაზღვეულის გარდაცვალების კონკრეტული უტყუარი/უშუალო მიზეზი, გარდაცვალების თარიღი, ადგილი, დაზღვეულის ასაკი და სხვა ინფორმაცია);
 - შესაბამისი სამართალდამცავი ორგანოების მიერ გაცემული ცნობა;
 - ექსპერტიზის დასკვნა გარდაცვალების კონკრეტული უტყუარი/უშუალო მიზეზის შესახებ;
 - მოსარგებლის პირადობის დამადასტურებელი დოკუმენტი;

- მოსარგებლის, როგორც მემკვიდრის სამკვიდრო მოწმობა, რომელიც განსაზღვრავს მის წილს მამკვიდრებლის სამკვიდროში, თუ ასეთი პირი პირდაპირ არ არის დაზღვეულის მიერ წინასწარ წერილობით მოსარგებლედ მითითებული.